



Universitätsbibliothek Paderborn

Corona Sacratissimorvm Jesu [Iesu] Christi Vulnervm

**Wael Van Vronesteyn, Willem de
Antverpiæ, 1649**

§. V. Modus suavis, atque expeditus quo & nos Domini Vulnera venetari
possumus.

[urn:nbn:de:hbz:466:1-49125](#)

§. V.

Modus suavis, & expeditus, quo & nos
Domini vulnera venerari possumus.

Salvator noster sanctæ Mechtildi
aperuit, non minori se lætitia affici,
dum quis vulnera sua honorat, quo- *Lib. 4. grat.*
cunque licet pietatis obsequio, quām *lib. c. 25.*
is qui diu optatam, ac quæsitam rem
tandem aliquando consequitur.

At quando commodiūs atque sua-
viūs sacrorum Domini Iesu vulnerum
recordabimur, eademque venerabi-
mūr, nisi dum, uti sanctus Cypria-
nus ait, illa veluti tot ubera de cælo plena, *Serm. de
cæn. Dom.*
in sumptione corporis Domini, *sugimus,*
& animam nostram pretioso Iesu sanguine pur-
puramus, in quo existit religiosa hujus potus
ebrietas, per quam excedimus Deo, & quæ retro
sunt, obliti, ad anteriora extendimur. Et piè
S. Chrysostomus ait, nos ut spiritus gra- *Hom. 83.
tiam trahamus, eo desiderio, seu piâ avidita.
in Mait.*
te, in communione sacra, debere adhæ-
rere vulneribus Domini, quæ ubera vo-

42 Corona Sacratissimorum

cat poculi spiritualis, quā matrum uberibus infantes inhærent.

Alphon.

Rod. p. 2.

Trac. 8. c. 6

Ita S. Catharina Senensis aiebat non aliter se ad sumendum sacratissimum Domini corpus accedere, in eoque sacris eius vulneribus frui, quādum infantula ad matris vbera anhelabat, iisq; inhærebat: *Suge ergo, suge anima mea, inquit Augustinus, inhære, adhære quasi apicula, sume, fruere, immergere, replere, quia ille deficere nescit, si tu non incipis fastidire, si sempiternus est gustus, sempiterna quoq; beatitudo erit. Suge, inquit Bernardus, non tā vulnera, quādum vbera Crucifixi, ipse erit tibi in matrem, tu eris illi in filiū. In sacra itaq; corporis, ac sanguinis Domini communione, vulnera ejus nobis tot vbera sint, ex quibus cum D. Chrysostomo spiritus gratiam, pietate atque aviditate omni, trahamus.*

Lib. de
Subst. di-
lect.

Ep. 351.

Aloysius
Iuglaris
elogio 86.

Eleg. 70.

Fecit Dominus Iesus, vti scribit ille è Societate nostra, quod

*Bona Mater paritura subinde filios:
Ut qui à se vitā habent, abundantius habeāt,
Multiplicat vbera sua. (Et alibi.
Vbi quasi parturiens exclamasset,*

Quos

Quos in lucem ediderat filios lactaturus

Mammillam cordis aperuit.

Aliam nobis rationem colendi vulnera
Domini, eorumq; memoriam conser-
vandi, suggerit Origenes. Nā ubi anima <sup>Hom. 3. in
Cant.</sup>
sancta ait, *fulcite me floribus, stipate me ma-* ^{Cant. 2:}
lis, quia amore langueo: ipse cùm LXX. In-
terpretibus legit, *Quia vulnerata chari-*
tatis ego sum: quasi illa dicat: non aliam
se velle charitatem, non aliam iusti-
tiam, non aliam humilitatem, atque
patientiam, non aliam obedientiam,
non alium erga bonum proximi ze-
lum, non aliam denique virtutem
quām quæ in sacris Domini vulneri-
bus, velut in exemplari nobis exhibe-
tur: ut virtus omnis, Origene teste, à
nobis ad exemplum vulnerum Salva-
toris exercita, perpetuam illorum me-
moriam ac cultum, in animis nostris
conserverat, atque augeat.

Optatissimam hanc memoriam sua- ^{Io. & S. Ma-}
vissimè indies recolebat B. Helena de ^{ria in viii}
Hungaria è S. Dominici familia, insi- ^{ss. Ord.}
gnis virtutis, ac sanctitatis Religiosa:
quæ quinque Domini vulneribus à

Deo

Deo donata , ac condecorata , eadem
veluti totidem specula in sacro Re-
demptoris Corpore contemplabatur
divinas ejus virtutes repræsentantia,
quas ipsa sedulò exercens , venerando-
rum horum pignorum recordationem
animo nunquam deponebat . Quod
tantopere Salvatori placuit , ut in dex-
teræ manus ejus vulnere, cœlestis pul-
chritudinis , ac fragrantiaæ flosculos
enasci voluerit , qui nos monerent , si
2. Cor. 2. cum Apostolo , *Christi bonus odor esse cupi-
mus in omni loco*, uti cupere debemus om-
nes, contentas in sacratissimis ejus vul-
neribus virtutes , veluti totidem flo-
res , nobis legendas esse , ut iis animas
nostras exornemus , semper memores,
illas non aliter exercendas esse , quam
uti in ipsis sacratissimis vulneribus à
Domino nobis ad exemplum propo-
nuntur.

M O-